

Ўзбекистон давлат хореография академияси  
илмий кенгашининг 2023 йил 1 февралдаги  
7-сонли баённомасига мувофиқ

**“Мукаррама Турғунбоева номидаги махсус стипендия” түғрисидаги  
НИЗОМ**

**1-боб. Умумий қоидалар**

1. Мазкур Низом Ўзбекистон Республикаси Олий Мажлис Сенати Хотин-қизлар ва гендер тенглик масалалари қўмитасининг 2022-йил 8-ноябрдаги “2030- йилга қадар Ўзбекистон Республикасида гендер тенглигига эришиш стратегияси ва уни 2021-2022-йилларда амалга ошириш бўйича комплекс чора-тадбирлар дастури ижроси түғрисида”ги 128-сон қарори 5-банди ва Ўзбекистон давлат хореография академияси Кенгашининг 2023-йил 1-февралдаги 7-сонли баённома қарорига мувофиқ ишлаб чиқилган ҳамда ушбу низом Ўзбекистон давлат хореография академияси талабаларига Мукаррама Турғунбоева номидаги махсус стипендия (кейинги ўринларда – Мукаррама Турғунбоева стипендияси) тайинлаш ва тўлаш тартибини белгилайди.

2. Мукаррама Турғунбоева номидаги стипендия миллий рақс санъатини янада ривожлантириш, уни юксак даражага кўтариш ва дунё саҳналарига олиб чиқиш, истеъдодли миллий рақс ижрочилари ва балетмейстерлари ижодий фаолиятини ёритиш, шунингдек, хореография соҳасида алоҳида фаоллик кўрсатган иқтидорли талаба қизларни рағбатлантириш мақсадида таъсис этилади.

3. Мукаррама Турғунбоева номидаги стипендия ҳар ўкув йили академиядаги “Хореография жамоалари раҳбари”, “Хореограф – педагог”, “Замонавий рақс” бакалавриат таълим йўналишлари ҳамда “Хореография санъати ва хореография” магистратура мутахассислигида таҳсил олаётган тўрт нафар талаба қизларга ажратилади.

4. Ўзбекистон Республикаси Президенти, номли давлат стипендиялари, Ўзбекистон Республикаси Президенти гранти ҳамда академия фаолияти билан

боғлиқ тарзда эълон қилинган стипендияларни қўлга киритган талаба ва ўкувчилар ушбу стипендия учун ўтказиладиган танловда иштирок эта олмайди.

5. Бир талаба фақат бир маротаба ушбу стипендияни қўлга киритиши мумкин. Ушбу стипендияни қўлга киритган талабалар кейинги йил ушбу стипендия учун ўтказиладиган танловда иштирок эта олмайди.

## **2-боб. Мукаррама Турғунбоева номидаги стипендиясини ўтказиш тартиби**

6. Стипендия қуйидаги мезонларга жавоб берадиган академиянинг кундузги таълим шаклида таҳсил олаётган бакалавриатнинг 2-4 - босқич ҳамда магистратуранинг 2 - босқич талаба қизларига берилади:

- ўқув йили давомида тўлиқ аъло баҳоларга ўқиш;  
- хореография соҳасида ижодий изланишлар олиб бориш; белгиланган мезонларга мувофиқ билим ва ижодий тайёргарлик даражасини синовдан ўтказиш мақсадида академия раҳбарияти стипендияга талабгорлар орасидан танлаб олиш учун таълим йўналишлари ва соҳа мутахассисларидан иборат танлов комиссиясини (кейинги ўринларда - Танлов комиссияси) тузади. Талабгорлар ўқув йили якунлангандан сўнг 10 кун ичида кўриб чиқиши учун академия илмий кенгашига қуйидаги ҳужжатларни топширадилар:

- синов дафтарчасидан кўчирма (ўзлаштириш кўрсаткичи);
- декан ва кафедранинг тавсияномаси;
- иктидорли талабаларнинг илмий-тадқиқот фаолиятини ташкил этиш бўйими томонидан тавсифий-тавсиянома;
- илмий (ижодий) ишлар, уларнинг аннотацияси ва тақризлари (мавжуд бўлса);
- хореография таълими йўналишларидаги фаолияти (оммавий ахборот воситаларида, ижтимоий тармоқларда ва бошқа) тарғиботи бўйича материаллар;

Барча ҳужжатлар алоҳида жилдга (папкага) жойланган ҳолда тақдим этилади. Ҳужжат муқовасида талабгорнинг фамилияси, исми ва отасининг исми, факультети, таълим йўналиши, курси, гуруҳи кўрсатилади.

8. Ўқув йилининг сўнгига факультет илмий кенгаши талабгорлар томонидан тақдим этилган ҳужжатларни кўриб чиқади, номзодликка талабгорларнинг ўқищдаги ва илмий (ижодий) фаолиятидаги муваффақиятларини муҳокамага қўяди. Академия илмий кенгаши муҳокамада талабгор ва унинг ишлари учун овоз беришда иштирок этган кенгаш аъзоларининг 50%дан ортиғи овоз берганда, талаба номзоди маъқулланган хисобланади ва илмий кенгаши қарори асосида тавсия этилган номзодларни Танлов комиссиясига тақдим этади.

9. Танлов комиссияси қуидаги мезонлардан келиб чиқиб номзодларни баҳолайди:

- 25 баллгача номзодлар билан суҳбат;
- 25 баллгача аъло ва яхши (3 тагача яхши баҳо) баҳоларга ўқиши (хар бир яхши баҳо учун -1 балл);
- 50 баллгача ижодий ишлари, шунингдек, конференция ва анжуманларда иштироки (хар бир иш 5 баллдан баҳоланади); - номзодларнинг якуний босқич танловида энг юқори балл олган тўрт нафар талаба қизларга стипендия тайинлаш учун тавсия қиласди;
- талабгорларга стипендия тайинлаш учун тавсия этиш тўғрисидаги якуний натижаларни академия Кенгашига тақдим этади.

### **3-боб. Мукаррама Турғунбоева номидаги стипендиясини тайинлаш**

10. Танлов комиссиясининг стипендияни тайинлаш тўғрисидаги қарори асосида янги ўқув йили бошланишидан аввал 10 кун ичида академия Кенгашининг қарори қабул қилинади ва ректор буйруғи билан стипендия тайинланади.

11. Стипендияга сазовор бўлган талаба қизларга “Мукаррама Турғунбоева номидаги маҳсус стипендия соҳиби” гувоҳномаси берилади.

12. “Мукаррама Турғунбоева номидаги махсус стипендияси” талаба хотин-қызларга ҳар йили ўқув йили учун белгиланган миқдорга қатъий риоя қилинган ҳолда университет бюджетидан ташқари тўлов-шартнома маблағлари ҳисобидан тайинланади.

13. Стипендия миқдори меҳнатга ҳақ тўлашни базавий миқдорининг 2 баробари миқдорида ҳар ой берилади.

#### **4-боб. Якунловчи қоидалар**

14. Талаба ўқишини бошқа олий таълим муассасасига кўчирганда ёки академик таътил олганда стипендия бериш тўхтатилади.

15. Кундалик дарсларни ўзлаштирмайдиган, ўқув интизомини ва одоб-ахлоқни бузган талабалар ўқув йили мобайнида кафедра тавсиясига биноан академия ректори буйруғи асосида стипендиядан маҳрум қилиниши мумкин.

16. Стипендия билан тақдирлаш бўйича ариза ва шикоятлар қонун хужжатларида белгиланган тартибда кўриб чиқилади.

17. Мазкур низом академия Кенгashi қарори билан маъқулланади ва академия ректори буйруғи билан тасдиқланади ҳамда қайта ўзгартириш киритилади.

18. Ўзбекистон давлат хореография академияси талабаларига Мукаррама Турғунбоева номидаги махсус стипендияни тайинлаш бўйича ариза ва шикоятлар қонунчиликда белгиланган тартибда кўриб чиқилади.

**Изоҳ:** Мазкур стипендия 2022/2023-ўқув йили баҳорги семестрдан жорий қилинганлиги муносабати билан истисно тариқасида 2022/2023-ўқув йилининг баҳорги семестридан 1 семестрга академия Кенгаш қарори ва ректор буйруғи асосида берилади. (3-боб 10-13 бандлари.)